

四庫全書

集部

欽定四庫全書

宋文鑑卷十四

宋 呂祖謙 編

詩

樂府歌行 雜言附

勞歌

張耒

暑天三月元無雨
雲頭不合惟飛土
深堂無人午睡餘
欲動身先汗如雨
忽憐長街負重民
筋骸長轂十石弩

半衲遮背是生涯以力受金飽兒女人家牛馬繫高木
惜恐牛馬驅犯炎酷天工作民良久難誰知不如牛馬
福

江南曲

張耒

江蒲芽白江水綠江頭花開自幽淑人家晨炊欲熟時
旋去網魚惟所欲往來送租只用船未省沙泥曾汙足
有錢買酒醉鄰畔終日數口常在目不學長安貴公卿
每遣離心寄朱轂朝游巖廊暮海島譴人未歸身自逐

牧牛兒

張耒

牧牛兒遠陂牧遠陂牧牛芳草綠兒怒掉鞭牛不觸澗
邊柳古南風清麥深蔽目田野平鳥捷礪角逐草行老
特卧噉餓不鳴犢兒跳梁沒草去隔林應母時一聲老
翁念兒自攜餉出門先上崗頭望日斜風雨濕蓑衣拍
手唱歌尋伴歸遠村放牧風日薄近村牧牛泥水惡珠
璣燕趙兒不知兒生但知牛背樂

孫彥古畫風雨山水歌

張耒

山深巖高石壁青白日忽變天晦冥黑風驅雲走不停
驚電疾雨來如傾山前雨點大如手下水湧危槎橫
崩崖古樹老有靈吼怒直與風雲爭枝披葉偃鬪不怯
萬竅却欲藏雷霆鞭韁疾驅者誰子石路嶮澀驢凌兢
目迷心懾愈走愈不及來憩樹下如寒岫蒼茫直與鬼
神接恍惚不保龍蛇驚平居此樂忽入眼孫家古圖才
可辨奈何一幅一尺餘欲奪天地之奇變我心愛之良
有以昔若山行親遇此一生兩足不下堂輸爾朱門貴

公子

于湖曲

張耒

蕪湖令寄示溫庭筠湖陰曲其序乃云晉王敦反屯于湖陰帝微行至其營敦夢日遠之覺而追不及故樂府有湖陰曲按晉地志有于湖而無湖陰本記云敦屯于湖又曰帝至于湖陰察營壘而去予頃遊蕪湖問父老湖陰所在皆莫知之也然則帝至于湖當為斷句乃作于湖曲以遺之使正其是非云

武昌雲旗蔽天赤夜築于湖洗鋒鏑巴滇綠駿風作蹄
去如滅沒來不嘶日圍萬里纏孤壁虜氣如霜已潛釋
蛇矛賤士識天顏玉帳髯奴落妖魄君不見銅駝陌上
塵沙起胡騎春來飲灩水浮江天馬是龍兒蹙踏揚州
開帝里王氣高懸五百秋弄兵老淠空白頭石城戰骨
卧秋草更欲君王分上流

秋雨歎

許彥國

霖雨不出動隔旬門前秋草長於人江湖浩渺欲無岸

錦石最小猶生雲微陽片月何曾見只有莓苔昏筆硯
田家黍穗未暇悲茅屋且為螢火飛

觀易元吉獐猿圖歌

秦觀

參天老木相樛枝嵌空怪石御青漪兩猿上下一旁掛
兩猿熟視蒼蛙疑蕭蕭叢竹山風吹海棠杜宇相因依
下有兩獐從兩兒花飡草噉含春嬉藝老筆精湖海書
推意忘形形更奇解衣一掃神扶持他日自見猶嗟咨
金錢百萬酒千鷗荆南將軍欣得之老禪豪取橐為垂

白晝掩門初許窺房櫳烟烟明冬曦榛藁羽革分毫釐
殘編未終且歸讀歲暮有閒重借披

豆葉黃

晁補之

兼葭蒼豆葉黃南村不見岡北村十頃強車滿箱西
家未上場豆葉黃野離離鼠窟之免八畦豕母從豚兒
豕豚啼呶呶銜角復銜糞豆葉黃穀又熟翁媪衰鋪糜
粥豆葉黃葉黃不獨豆白黍堪作酒瓠大棗紅皺豆葉
黃穰穰何膻膻腰鎌獨健婦大男往何許官家散弓刀

要汝殺賊去

漁家傲

晁補之

漁家人言傲城市未曾到生理自江湖那知城市道晴
月七八船熙熙在清川但見笑相屬不省歌何曲忽然
四散歸遠處滄洲微或云後車載藏去無復在至老不
曲躬羊裘行澤中

蓮根有長絲

郭祥正

蓮根有長絲不供貧女織柳梢有飛綿不暖寒者衣朝

歌悠悠暮歌知下地沉沉上天遠東生白日還西流志
士長懷萬古愁

金山行

郭祥正

金山杳在滄溟中雪崖冰柱浮仙宮乾坤扶持自今古
日月髣髴躔西東我泛靈槎出塵世搜索異境窺神工
一朝登臨重太息四時想像何其雄卷簾夜閣掛北斗
大鯨駕浪吹長空舟推岸斷豈足數往往霹靂鋌蛟龍
寒蟾八月蕩搖海秋光上下磨青銅鳥飛不盡暮天碧

漁歌忽斷蘆花風蓬萊久聞未成往壯觀絕致遙應同
潮生潮落夜還曉物與數會誰能窮百年形影浪自苦
便欲此地安微躬白雲南來入我望又起歸興隨征鴻

驪山歌

李 廌

君門如天深九重君王如帝坐法宮人生難處是安穩
何為來此驪山中複道連雲接金闕樓觀隱煙橫翠紅
林深谷暗迷八駿朝東暮西勞六龍西幸我眉棧悲風
便入華清院霓裳蕭散羽衣空麋鹿來遊墟市變我上

朝元春半老滿地落花人不掃羯鼓樓高掛夕陽長生
殿古生青草可憐吳楚兩醺鷄築臺未就已堪悲長楊
五柞漢幸免江都樓成隋自迷由來流連多喪德宴安
鴟毒因奢惑三風十愆古所戒不必驪山可亡國

築長堤

田 畫

築長堤白頭荷杵隨者妻背脅偃僂筋力微以手置胸
路旁啼老夫七十嫗與齊五尺應門生兩兒夜來春雨
深一犁破曉徑去耕南陂南隣里正豪且強白紙大字

來呼追科頭跣足不得稽要與官長修長堤官長亦大
賢能得使者意正堤駕輶軒不復問餘事終當升諸朝
自足富妻子何惜桑榆年一為官長死

叢臺歌

賀鑄

累土三百尺流光二千年人生物數不得待摧頽故址
秋風前武靈舊壠今安在禿樹無陰困樵采玉簫金鏡
未消沉幾見耕夫到城賣君不聞叢臺全盛時綺羅成
市遊春輝一從凋輦閉荒草蕭散行雲無復歸招魄想

像風流在晴華露蔓猶依佈紆棘逕撩人衣禾黍晚成
豺貉肥層簷壁瓦碎平地夢作鴛鴦相伴飛登臨弔古
將語誰城郭人民今是非指君看取故時物南有清流
西翠微彷徨華表不忍去豈獨遼東丁令威

五言古詩

誠兒姪八百字

范質

昨得謝課書布於京秩之中更與遷轉余以諸兒姪輩
生長以來未諳外事艱難損益惜然莫因抒古詩一章

曉之

去年初釋褐一命列蓬丘

謂謝課

青袍春草色白紵棄如

仇適會龍飛慶王澤天下流爾得六品階無乃太為優
凡登進士第四選昇校讐歷官十五考敘階與爾儔如
何志未滿意欲陵雲遊若言品位卑寄書來我求省之
再三歎不覺淚盈眸吾家本寒素門地寡公族先子有
令德樂道尚優游生逢世多僻委順信沉浮仕官不喜
達吏隱同莊周積善有餘慶清白為貽謀伊余秦家訓

孜孜務進修夙夜事勤肅言行思悔尤出門擇交友防

慎畏薰蕕省躬常懼玷恐擬庭闈羞童年志于學不墮

為箕裘二十中甲科頽尾化為虬

第二十三進士及第今舉全數

三十

入翰苑

時三十三

步武向瀛州四十登宰輔

年四十一

貂冠侍冕

旒構位行一紀將何助帝猷既非救旱雨豈是濟川舟

天子未遐棄日益素飧憂黃河潤九里草木皆寢漬吾

宗凡九人繼踵昇官次門內無白丁森森朱綠紫鸞行

洎內職亞尹州從事府掾監省官高低皆清美悉由僥

倖昇不因資考至朝廷懸爵秩命之曰公器才者祿及身功者賞於世非才及非功安得專厚利寒衣內府帛

饑食太倉米不蠶復不穡未嘗勤四體雖然一家榮豈

塞衆人議顛顛十目窺覷千人指

曾參云十目所視古人云千人所指

言可畏借問你與吾如何不自媿戒爾學立身莫若先孝

悌怡怡奉親長不敢生驕易戰戰復兢兢造次必於是

戒爾學干祿莫若勤道藝常聞諸格言學而優則仕不

患人不知惟患學不至戒爾遠恥辱恭則近乎禮自卑

而尊人先彼而後已相鼠與茅鴟宜鑑詩人刺

毛詩相鼠刺無

禮左傳茅鴟刺不恭

戒爾勿放曠放曠非端士周孔垂名教齊梁

尚清議南朝稱八達千載穢青史戒爾勿嗜酒狂藥非

佳味能移謹厚性化為兇險類古今傾敗者歷歷皆可

記戒爾勿多言多言者衆忌苟不慎樞機災危從此始是

非毀譽間適足為身累舉世重交游擬結金蘭契忿怨

容易生風波當時起所以君子心汪汪淡如水舉世好

承奉昂昂增意氣不知承奉者以爾為翫戲所以古人

疾遽除與威施舉世重任俠

史記輕死重義曰俠

呼俗為氣義為

人赴急難往往陷刑死所以為援書殷勤戒諸子

馬援告兒

孫書甚非此事

舉世賤清素奉身好華侈肥馬衣輕裘揚揚過

閭里雖得市童怜還為識者鄙我本羈旅臣遭逢堯舜

理位重才不克戚戚懷憂畏深淵與薄冰蹈之惟恐墜

爾曹當憫我勿使增罪戾閉門斂蹤跡縮首避名勢名

勢不久居畢竟何足恃物盛必有衰有隆還有替速成

不堅牢亟走多顛躓灼灼園中花早發還先委遲遲澗

畔松鬱鬱含晚翠賦命有疾徐青雲難力致寄語謝諸
郎躁進徒為耳

懷賢詩

王禹偁

僕直東觀時閱五代史見近朝名賢立功立事者聳慕
不已思欲形于謠詠而未遑今待罪上雖不與郡政專
以吟諷為事業因賦懷賢詩三首仍以官氏列于篇首
云

桑魏公維翰

魏公王佐才獨力造晉室揮手廓氛靈放出扶桑日感
慨會風雲周旋居密勿下民得具瞻上帝賚良弼沉沉
帷幄謀落落政事筆品疏遂甄別法令頗齊一跋勅朝
據案論兵夜造膝多士若鶩鴻官材咸有秩諸侯如狼
虎請謁盡股栗秉鈞多事朝綽綽有紀律遠將留侯比
近以贊皇疋志在混車書誓將闡儒術皇天未厭亂運
去何颺歟高祖猷寰區少帝無始卒老成既疏遠羣小
相親睚眦武兵漸驕倒懸人不恤和親絕強虜謀帥用

悍卒魏公在藩垣上疏論得失七事若丹青辭切痛人
骨忠言殊不省直道果見屈鐵馬從北來煙塵晝蓬勃
穹廬易市朝左衽雜纓紱主辱臣不死囚縛自安逸唯
公獨遇害身殞名不沒惜乎英偉才濟世功未必一讀
晉朝史遺恨空鬱鬱子孫亦不振天道難致詰

李兵部

清

有唐張曲江盛名何暉暉請誅安祿山先覺不見納胡
雖有反相其事遠相接賢人何代無舊史聊可獵兵部

事晉朝文學中科甲強臣方跋扈朝士多懼怯獨持尚
方劍願斬犇鯨鬣堂堂張彥澤反勢凌閭闔邦章請顯
戮直氣不可壓三進叩玉墀植笏立冀英皇情彌慰撫
清問屢應答給馬念小恩曾不顧大業高吟歸去詩潺
湲淚承睫旋踵即亂華有同虞不臘張公領鐵馬朝市
胡塵合利謁甚閑詳辭氣殊不懾虎狼不敢害加禮為
下榻當年棄謬謬異代居調燮相位席不暖帝澤安可
治斯人既淪亡此風亦蕭颯滑稽何足累大節世已乏

安用學腐儒死守禮法

王樞密補

西樞經緯才慷慨遇真主文學中甲科風雲參霸府直躬在密勿未始畏強禦徒案讀古書箕踞視太祖澤欲浸生民化將遠遽古拆寺遇武宗排佛如韓愈盡髮郡苾芻使之藝禾黍兵威遂強盛人力不耗蠹世宗征淮甸委任當留務馬前拜侯伯堦下列榘斧叱咤氣生風將校汗如雨手築太平基胼胝不輟杵具瞻人有望衰

運時不與修短天難忱殲奪民何怙恩深與小斂撫梓
甚悲沮云亡復殄瘁前哲非虛語世豈乏賢良材難具
文武厯象過義和文章敵燕許可能推衆人冥冥歸塵
土子孫雖衆多必復事未覩誰銘遷客詩高揭王公墓

五哀詩

王禹偁

予讀杜工部八哀詩唯鄭廣文蘇司業名位僅不顯者
餘多將相大臣立功垂裕無所哀矣噫子美之詩蓋取
人之云亡邦國殄瘁而已非哀乎時也有未列於此者

待同志而嗣之云

故尚書兵部侍郎琅邪王公祐

琅邪名父子少孤起徒步贊謁桑魏公藻鑑非易與撫
頂久歎惜王楊許為伍諸侯取為官佐幕大名府主帥
杜重威功大心跋扈天驥被繫維神龜罹網罟六師薄
孤壘三面開生路主人既釋放賓筵因註誤逼脅本非
辜貶謫尋不赴折腰紆墨綬榻翼久未舉梁竦聽州縣
長卿有辭賦裏行旌邑政柱史登朝序枰彈志不樂潤

色身有素錦窠應列宿星垣吟藥樹丹青生帝典金玉
鏗王度東觀秉直筆南宮司貢部時英萃門下藹藹騰
嘉譽鵬掀六月風豹蔚七日霧多才同列忌疾惡姦人
怒排斥屢專城織羅仍典午名官頗流離衣食常貧窶
文明起代卽振拔非不過紫微雖正拜白髮已遲暮史
魚直有遺張也剛不吐非才占清列志欲投兕虎英俊
在草萊力能生翅羽毀譽兩無私華袞間蕭谷掌選循
故實且京兆鉤鉅名位僅三事疾療嬰二監告滿拜貳

卿君恩慰沉痾終見哲人萎蕭蕭空壠墓鯉庭有令嗣
鳳閣登仙署兩制列門生九原應自許蒼蒼猶足信吾
道似有訴餘慶在子孫明明深可據

故尚書虞部員外郎知制誥貶萊州司馬渤海高

公錫

文自咸通後流散不復雅因仍歷五代秉筆多豔冶高
公在紫微濫觴誘學者自此遂彬彬不蕩亦不野惜哉
傷蹂進忤旨出閣下吾君登大寶兌澤連霂灑均陽又

淮陽移徙曾不暇遂無牽復命虛偶文明化何路得自
新齋志入長夜人謂責太深終于郡司馬

故殿中侍御史榮陽鄭公起

柱史有名跡清才自天縱運思慶雲合落筆醴泉湧歌
詩與文賦錚錚人口諷揚袂入澤宮鵠心一箭中恃才
善戲謔負氣好侮弄大志有誰知細行乖自訟小諫事
世宗惕惕佩光寵太祖方厯試握兵權已重上書范魯
公先見不能用厯數不在周謳謠卒歸宋汗漫失屠龍

接輿遂謫鳳行荷伯倫鍾高卧畢卓瓮神德不為嫌優
待臺憲俸晚求萬泉令吏隱官資冗一旦隨朝露識者
彌哀痛無子副家聲身世若一夢文編多散失人口時
傳誦空持一器酒何處澆孤冢

故國子博士郭公

忠恕

汾陽飽經術賦性甚坦率在昔舉神童廣陽推傑出尚
書誦在口何論落目筆

公應舉時口念
尚書手寫諭語

總角取科名弱

冠紆纓紱早佐襄陰幕漢鼎入周室失志罷屠龍佯狂

遂捫虱周行亦僂佺吏隱多放逸滑稽東方朔圖畫王
摩詰古文識蝌蚪與學辯萍實字窮蒼頡本篆證陽冰
失王績醉為卿伯倫居無足俸錢之一囊官路從三黜
朱衣多不著白髮仍慵櫛漸老羈旅年方見昇平日忽
以伎術召此意殊鬱鬱放口忤無鬚何門求造膝遁逃
終見捕遣逐道中卒遺孤落閭閻荒塚鳴蟋蟀手澤漸
難求誰家耀箱帙投吊焚此詩九原應有物

故太子中允知洛陽縣事賴公贊

洛陽富文彩峭拔四子流提筆入廣場辭氣干斗牛擢
第在芸閣言事觸冕旒在降宰百里道勝心無憂才高
恥吏役放蕩不檢修起應賢良科下筆不見休青官尚
淹恤寺縣且優游輕才糞土賤高義雲天浮懸磬任貧
窶盈樽長獻酬知己彼何人鳳閣與黿頭推挽終不起
壯志將焉收晚年圯橋役關市良可羞忽焉為異物寒
草封一丘孀嫠應凍餓交友誰尋求遺孫方稚齒爽秀
已適適皇天若有憑必使光貽謀

橄欖

王禹偁

江東多果實橄欖稱珍奇
北人將就酒食之先顰眉
皮核苦且澁歷口後棄遺
良久有回味始覺甘如飴
我今何所喻喻彼忠臣辭
直道逆君耳斥退投天涯
世亂思其言噬臍焉能追
寄語采詩者無輕橄欖詞

勸學篇

張詠

大化不自言委之在英才
玄門非有閉苦學當自開
世上百代名莫遣寒如灰
晨鷄固自勉男子胡為哉
胸中

一片地無使容纖埃海鷗尚可狎人世何嫌猜勤慎君子職顏閔如瓊瑰刻薄小人事斯輩直可哀放蕩功不遂滿盈身亦災將心雖內疚禍福本無媒

悼蜀詩四十韻

張詠

至道紀號元祀春正月為審官院考績引對天子曰天厭西蜀歲薦饑饉任失其人枉政殘剥民興惡作孽授命虎旅殄滅兇逆矧彼黔首不聊其生觀人安民朕意罔怠寬則育姦猛則殘俗得夫濟者實難其人爾惟方

直厯政有績邛僃幽遐往理其俗克畏克愛汝其欽哉
祇奉命乘輅西征夏四月二十有八日供厥職噫謀術
庸陋罔敢怠忽豪猾抑之賦斂乃息存恤窮困招綏流
亡杜厥剝削宣揚皇風間一歲而民弗克安非郡縣之
罪偏將之罪也有聽者孰不知民心上畏王師之剽掠
下畏草孽之強暴乎良家困弊漸復從賊庶賒其死深
可愆也天子遠九重孤賤者憚權豪而不敢言嗚呼雖
采詩之官闕之久矣然謠詠諷刺亦不可寂然詠敢作

悼蜀古詩四十韻書于視政之廳有識君子幸勿以狂
瞽為罪

蜀國富且庶風俗矜浮薄奢僭極珠貝狂佚務娛樂虹
橋吐飛泉煙柳閉朱閣燭影逐星沉歌聲和月落鬪鷄
破百萬呼盧縱犬噓遊女白玉璫驕馬黃金絡酒肆夜
不局花市春慙忤禾稼暮雲連紈繡淑氣錯熙熙三十
年光景倏如昨天道本害盈侈極禍必作當時布政者
罔思救民瘼不能宣淳化移風復儉約情性非方直多

為聲色著從欲竊虛譽隨俗縱貪攫蠶食生靈饑作威
恣暴虐佞罔天子聽所利唯剝削一方忿恨興千里攘
臂躍火氣烘寒空雪彩揮蓮萼無人能却敵何假施擊
拆害物黷貨輩皆為白刃爍瓦礫積臺榭荆棘迷城郭
里第鎖苔蕪庭軒喧燕雀斗粟金帛市東蜀羅綺博悲
夫驕奢民不能飽葵藿朝廷僉元戎帥師蕩元惡虎旅
一以至梟巢一何弱燎毛燭晶熒破作鋒熠燿兵驕不
可戢殺人如戲謔悼耄皆麗誅玉石何所度未能翦強

暴爭先謀剽掠良民生計空賒死心殞獲四野起豺狼
五畝孰耕鑿出師不以律餘孽何由却俾夫熾蜂蠆寡
術能籠絡邊陲未肅清胡顏食天爵世方尚奔兢誰復
振譽謬黃屋遠萬里九重高寥廓時稱多英雄才豈無
衛霍近聞命良臣拭目觀奇略

赴郡之初尋屬愆亢有司舉舊典取秋水徵巫覡
以致禱而涉旬靡應農事方急遣罷去越翊日
漸獲優洽

劉筠

優詔將州任視政纔旬時田畷訴災嘆坐虞多稼萎雲

將掉頭去波臣涸轍危行部殊未及隨車杳難期往慙

神父化

鮑德守南陽時多荒災唯此郡豐稔吏民愛悅號為神父

今取旱母咄

蕭雅所信

必赤地大旱人號為旱母

諸曹白事者雩典舉舊規郡北歧棘山上

有三湫池衙吏絜齊往汲水置縹窰朝服領巫覡詰旦

迓諸歧承以結綵輿奉於五龍祠自是率賓介寅午款

于斯紛敷薦楮鏹浸清灑楊枝瓦鑪松香鉞瓢樽黍酌

醺四壁繪神變正筵塑靈儀怖若葉公牖怪甚葛仙陂

老嫗十數輩勃肩頭如魁童巫及伶倡貌寢語嘍囉但
多嚙齧質曾之婉嬾姿交手操鈴拂合譟屢傲傲喧塵
著逢髮穢汴落粉頤一聞且一嘔掩鼻以攢眉齠蔚朝
待族敗革震散之巽飄暮欲息竅竹呼復來慢黷固已
甚誕妄相馮隨如是者浹日僅得沾服滋嗟予政無狀
百拜胡敢辭矧夫民習俗姑用慰齋咨抑聞古人言天
墓入無私神道貴得一何乃託邪師遽俾送湫勺撒役
勤繭絲申明恤刑詔挺重捨輕疑從此四三日油霈洽

封圻又聞堯湯世水旱軫君慈存救自有術斂散適所
宜元元無菜色九載尚熙熙周禮地官職皇舞雖有祈
道經泣天下傷民誠弗為惟神稟聰正遠鬼務肅祗願
守有常德可戒興妖思

寄岳陽劉從事

韓 丕

秋來憶故人寓目臨大野遠近聞清商依稀奏幽雅經
霜樹半紅無風葉目下一片洞庭心聊憑塞鴻寫

溫泉詩

錢 易

悲哉天寶時帝老不修寵幸尊婦人陰極陽已柔外戚
盛本枝擲此封列侯丞相大將軍備位甚悠悠天下安
既久積漸力不周車服金玉煥黎庶饑寒愁驪山溫泉
宮盡幸與夜游一游百司備萬費一日體誰能心自快
化作社稷憂國忠咨吞噬材甫懷姦偷胡雛據太原鐘
鼓無許收黃塵滿長安慘黷九廟羞唐天未使絕返正
知疾瘳自茲遊賞地荆棘生荒秋舊物悉已廢蜘蛛挂
重樓覽者咸寒心一過三迴頭因知帝王業堅固宣鴻

猷豈可信嗜欲侮美生瘡疣雕牆峻宇誠簡牘况有由
翻思黍離章續之應可仇

夏日山居詩

种放

陰陰林木靜寂寂無人境紅綻紫葳香嵐沈玉膏冷看
雲時獨坐慎事常中省何客馭風來新篁動疎影

諭蒙詩

种放

大盈卑百瀆自成浮天潯崇丘下累塊竟為蔽日深王
者在謙小風惟堯禹心拜言尊賢仁慎德棄珠金自滿

九族散匪驕百善尋炳茲夏商鑒戒國因夸淫



宋文鑑卷十四

欽定四庫全書

集部

宋文鑑卷十五

詳校官監察御史_臣劉湄

助教_臣常循覆勘

總校官降調編修_臣倉聖脉

校對官中書_臣高 中

謄錄監生_臣王 宮

欽定四庫全書

宋文鑑卷十五

宋 呂祖謙 編

五言古詩

新居感咏

杜 衍

無似老且病唯恐歸田遲
一旦得引年九天還聽卑尚
霄二品祿俾盡百年期恩深
淪骨髓感極橫涕洟始營
菟裘地來向離水湄城隅最
窮僻匠者寧求奇卜築悉

由已軒牖亦隨宜外以庇風雨內以安妻兒鷺雀莫羣
噪鷦鷯才一枝因念古聖賢名爲千古垂何嘗廣居室
儉爲後人師亞聖樂簞食寢丘無立錫文終防勢奪景
栢恥冢爲文園四壁立鄭公小殿移伊余具員者適會
承平時無術毘萬務無才撫四夷爲郡亦齟齬勞心徒
孜孜保身已天幸撫已宜自知開卷顏間厚復懼來者
嗤勗哉知止足清白猶可追

幽居即事

杜衍

寂寂復寂寂告老閒居日徑草高於人林鳥熟如客黃
卷不釋手清風常滿室內顧平生心無過此時適

和王校勘中夏東園

晏殊

東園何所樂所樂非塵事野竹亂無行幽花晚多思閒
窺魚尾赤暗辨蜂腰細樹影密遮林藤稍狂冒袂潘蔬
足登膳陶秫經取醉幸獲我汝交都忘今昔世歡言捧
瑤佩願以疎麻繼

列子有力命王充論衡有命祿極言必定之數覽

之有感

晏殊

大鈞播羣物零茂歸自然默定既有初不爲智力遷禦
寇導其流仲任派其源智愚信自我通塞當由天宰世
曰臯伊迷邦有顏原吾道誠一槩彼途鍾百端卷之入
纖毫舒之盈八埏進退得其宜夸榮非所先朝聞夕可
隕吾奉聖師言

贈劉潛歸陶丘

石延年

丈夫未大用身與仁義閒可宜更聚散風塵摧其顏君

今歸柯澤路出梁宋間梁宋有吾廬親老待我還矧復
君先歸因君頭應斑春老有時回人老不再少草自有
時榮髮白不再好人生不如春髮生不如草可堪送別
春草前青春未老人先老

鄱陽酬泉州曹使君見寄

范仲淹

吾生豈不幸所稟多剛腸身甘一枝巢心苦千仞翔志
意苟天命富貴非我望立譚萬乘前肝竭喉無漿意君
成大舜千古聞羶香寸懷如春風思與天下芳片玉棄

且在雙足何辭傷王章死於漢韓愈逐諸唐獄中與嶺
外妻子不得將義士撫卷起眦血一霑蒙胡弗學揭厲
胡弗隨低昂于時宴安人滅然已不揚匹夫虎敢鬪女
子熊能當況彼二長者烏肯巧如簧我愛古人節皎皎
明於霜今日貶江徵多慙韓與王罪大禍不稱所損傷
纖芒盡室來官下君恩大難忘酒聖無隱量詩豪有餘
章秋來魏公亭金菊何煌煌登高發秘思聊以攄吾狂
卓有梅聖俞作邑郡之笏矯首賦虛烏擬彼歌滄浪因

成容爲戲移以贈名郎
泉南曹使君詩源萬里長復我
百餘言疑登孔子堂聞之金石音
純純自宮商念此孤
鳴鶴聲應來遠方相期養心氣
彌天浩無疆鋪之被萬
物照之諧三光此道固迂闊
陶潛吾醉鄉

四民詩

范仲淹

前王詔多士咸以德爲先
道從仁義廣名由忠孝全
美祿報爾功好爵縻爾賢
黜陟金鑑下昭昭姪與妍
此道日以疎善惡何茫然
君子不斥怨歸諸命與天
術者秉

其隙異端千萬惑天道入指掌神心出胸臆德幽不聽
明言命不言德學者忽其本仕者浮於職節義爲虛言
功名思苟得天下無所勸賞罰幾乎息陰陽有變化其
神固不測禍福有倚伏循環亦無極前聖不敢言小人
爾能憶裨竈方激揚孔子甘寂默六經無光輝反如日
月蝕大道豈復興此弊何時抑末路競馳騁澆風揚羽
翼昔多松栢心今皆桃李色願言造物者迴此天地力
聖人作耒耜蒼蒼民乃粒國俗儉且淳人足而家給九

載襄陵禍比戶獨安輯何人變清風驕奢日相襲制度
非唐虞賦歛由呼吸傷哉桑穀人常悲大弦急一夫耕
幾隴游惰如雲集一蠶吐幾絲羅綺如山入太平不自存
凶荒亦何及神農與后稷有靈應爲泣

先王教百工作爲天下器周旦意不朽刊之攷工記嗟
嗟遠聖人制度日以紛窈窕阿房宮萬態橫青雲煒煌
甲乙帳一朝那肯焚秦漢驕心起陳隋益其侈鼓舞天
下風滔滔弗能止可堪佛老徒不取慈儉書竭我百家

產崇爾一室居四海競如此金碧照萬里茅茨帝者榮
今爲庶人恥宜哉老成言欲攬般輸指嘗聞商者云轉
貨賴斯民遠近日中合有無天下均上以利吾國下以
藩吾身周官有常籍豈云逐末人天意亦何事狼虎生
貪秦經界變阡陌吾商苦悲辛四民無常籍茫茫僞與
眞游者竊吾利惰者亂吾倫淳源一以蕩頹波浩無津
可堪貴與富侈態日日新萬里奉綺羅九陌資埃塵窮
山無遺寶竭海無遺珍鬼神爲之勞天地爲之貧此弊

已千載千載猶因循桑柘不成林荆棘有餘春吾商則
何罪君子恥爲隣上有堯舜主下有周召臣琴瑟願更
張使我歌良辰何日用斯言皇天豈不仁

畫錦堂

韓琦

古人之富貴歸於本郡縣譬若衣錦游白晝自光綢不
則如夜行雖麗胡由見事累載方冊今復著俚諺或紆
太守章或擁使者傳歌樵忘故窮滌器掩前賤所得快
恩仇愛惡任矯狎其志止於此士固不足羨茲子來舊

邦意弗在矜銜以疾而量力懼莫稱方面抗表納金節
假守冀鄉便帝曰其汝俞建轟往臨殿行路不云非觀
歎溢郊甸病軀諧少休先隴遂完繕歲時存父老伏臘
潔親薦恩榮孰與偕衰劣愧獨擅公餘新此堂夫豈事
飲燕亦非張美名輕薄詫紳弁重祿許安閒顧已常兢
戰庶一視題牘則念報主眷汝報能何爲進道確無倦
忠義聳大節匪石烏可轉雖前有鼎鑊死耳誓不變丹
誠難悉陳感泣對筆硯

歲晏出沐感事內訟

宋 庠

山海有完士希世無良籌偶穿東郭履遂別野人舟不
恥篆刻賦來肩英俊游私智甚鳧短塵客若鵠愁備員
太史氏補屬富人侯姑學了官事何嘗分主憂日貪斗
食利歲感星躔周中都富才彥方駕若龍虬茂先善史
漢平津治春秋高文用司馬格五寵吾丘間闊路逢葛
繡紛人召鄒桑羊興賈豎安國出繯囚汲鄭貴交盛徐
陳英藻道況乃天下樞雄雌來九州衣冠徑複道鼓吹

出長楸席上萬錢箸橋邊八列騶雍容綬魯玦意氣拂
吳鉤谷余良不韙瓴甕廁琳瑯吹竽昔已濫在梁今可
尤臺閣魏舒被風霜蘇季裘有志謝軒鶴無機防海鷗
恭族杜陵課誅茅歸故疇

秋日白鷺亭向夕風晦有作

王琪

白鷺敞西軒棟宇窮真塏千峰若聯環翠色不可解是
時天雨曠六幕無纖靄金斗熨秋江素練橫衣帶乾坤
清且飲氣象朝昏改蘆花作雪風飛舞來滄海九宵汀

驚起萬里檣烏快月上三山頭鳥沒橫塘外蒼茫洲渚
寒銀錯星斗大開樽屏絲竹披襟向簫籟余生本江湖
偃蹇欣所會清興雖自發苦嗜亦吾累魚龍憑夜濤四
面忽湧湃安得屏燈然煌煌發水怪

水谷夜行寄子美聖俞

歐陽修

寒鷄號荒林山壁月倒掛披衣起視夜攬轡念行邁我
來夏云初素節今已屆高河瀉長空勢落九州外微風
動涼襟曉氣清餘暖緬懷京師友文酒邈高會其間蘇

與梅二子可畏愛篇章富縱橫聲價相磨蓋子美氣尤
雄萬竅號一噫有時肆顛狂醉墨灑霽霈譬如千里馬
已發不可殺盈前盡珠璣一一難揀汰梅公事清切石
齒漱寒瀨作詩三十年視我猶後輩文詞愈清新心意
難老大譬如妖韶女老自有餘態近詩尤古硬咀嚼苦
難嚙初如食橄欖真味久愈在蘇豪以氣轢舉世徒驚
駭梅窮獨我知古貨今難賣二子雙鳳凰百鳥之嘉瑞
雲煙一翱翔羽翮一摧斲安得相從遊終日鳴噦噦問

胡苦思之對酒把新蟹

讀徂徠集

歐陽修

徂徠魯東山石子居山阿魯人之所瞻子與山峩峩今
子其死矣東山復誰過精魄已埋沒文章豈能磨壽命
雖不長所得固已多舊藁偶自錄滄溟之一蠹其餘誰
付與散失存幾何存之警後世若鑑照妖魔子生誠多
難憂患靡不罹音羅宦學三十年六經老研摩問胡所專心
仁義丘與軻揚雄韓愈氏此外豈知他尤勇攻佛老奮

筆如揮戈不量敵衆寡膽大身么麼往年遭母喪泣血
走岷峨垢面跣雙足鋤犁事田坡至今鄉里化孝悌勤
蠶禾昨者來太學青衫踏朝靴陳詩頌聖德厥聲續猗
那羔鴈聘黃晞晞驚走隣家施爲可怪駭世俗安委蛇
謫口由此起中之若飛梭上賴天子明不挂網者羅憶
在太學年大雪若翻波生徒日盈門飢坐列鴈鵝絃誦
聒隣里唐虞賡詠常續最高第騫游各名科豈止學
者師謂宜國之睹天壽反仁鄙誰尸此偏頗不知誼誼

者又忍加詆訶聖賢要六遠毀譽暫誼譁生為舉世疾
死也魯人嗟作詩遺魯社祠子以爲歌

重讀徂徠集

歐陽修

我欲哭石子夜開徂徠編開編未及讀涕泗已漣漣勉
盡三四章收淚輒忻懽切切善惡戒丁寧仁義言如聞
子談論疑子立我前乃知長世在誰謂已沉泉昔也人
事乖相從常苦難今而每思子開卷子在顏我欲貴子
文刻以金玉聯金可燦而銷玉可碎非堅不若書以紙

六經皆紙傳但當書百本傳百以爲千或落以四夷或
藏於深山待彼誦焰熄放此光芒懸人生一世中長短
無百年無窮在其後萬世在其先得長多幾何得短未
足憐惟彼不可朽名聲文行然譏誣不須辯亦止百年
間百年後來者憎愛不相緣公議然後出自然見姮妍
孔孟困一生毀逐遭百端後世苟不公至今無聖賢所
以忠義士恃此死不難當子病方草誦辭正騰喧衆人
皆欲殺聖主獨保全已埋猶不信僅免斲其棺此事古

未有每思輒長嘆我欲犯衆怒爲子記此寃下紆冥冥
愈仰叫昭昭天書於蒼苔石立彼崔嵬巔詢求子世家
恨子兒女頑經歲不見報有辭未能銓忽開子遺文使
我心已寬子道自能久吾言豈須鐫

獲麟贈姚闕先輩

歐陽修

世已無孔子獲麟意誰知我嘗爲之說聞者未免非而
子獨曰然有如墁應麓惟麟不爲瑞其意乃可推春秋
二百年文約義甚夷一從聖人沒學者自爲師崢嶸衆

家說平地生嶮巖相公益迂怪各闢出新奇爾來千餘
歲舉世不知迷焯哉聖人經照曜萬世疑自從蒙衆說
日日遭蔽虧常患無氣力掃除浮雲披還其自然光萬
物皆見之子昔已好古此經手常持超然出衆見不爲
俗牽卑近又脫賦格飛黃擺銜羈聖人關大道夷路肆
騰嬉便可勦衆說旁通蹇多岐正途趨簡易慎勿事崛
崎著述須待老積勤宜少時苟思垂後世大禹尚胼胝
顧我今老矣兩瞳蝕昏眊大書難久視心在力已衰因

思少自棄今縱悔可追戒我以勉子臨文但吁嘻

喜雨

歐陽修

大雨雖霑霑隔微分清陰小雨散浸淫爲潤廣且深浸
淫苟不止利澤何窮已無言雨大小小雨農尤喜宿麥
已登實新禾未抽稂及時一日雨終歲飽豐穰夜響流
霰霖晨暉霽蒼涼川源淨如洗草木自生光童稚喜瓜
芋耕夫望陂塘誰云田家苦此樂殊未央

飛蓋橋翫月

歐陽修

天形積輕清水德本虛靜雲收風波止始見天水性澄
光與粹容上下相涵映乃於其兩間皎皎挂寒鏡餘暉
所照耀萬物皆鮮瑩矧夫人之虛豈不醒視聽而我於
此時翛然發孤詠紛昏忻洗滌俯仰恣涵泳人心曠而
閒月色高愈迫惟恐清夜闌時時仰斗柄

奉答子華學士安撫江南見寄之作

歐陽修

百姓病已久一言難遽陳良醫將治之必究病所因天

下久無事人情貴因循優游以爲高寬縱以爲仁今日
費其小皆謂不足論明日壞其大又云力難振翦窺各
陰拱當職自逡巡歲月寔隳頽綱紀遂紛紜坦坦萬里
疆虫虫九州民昔而安且富今也迫以貧疾小不加理
浸淫將徧身湯劑乃常藥未能去深根鍼艾有奇功暫
痛勿吟呻痛定支體胖乃知鍼艾神猛寬相濟理古語
六經存蠹弊草僥倖濫官絕貪昏牧羊而去狼未爲不
仁人俊又沈下位惡去善乃伸賢愚各得職不治未之

聞此說乃其要易知行每艱遲疑與果決利害反掌間
捨此欲有爲吾知力徒煩家至與戶到飽飢而衣寒三
王所不能豈特今所難我昔忝諫列日常趨紫宸聖君
堯舜心閔閔極憂勤子華當來時玉音耳常親上副明
主意下寬斯人屯江南彼一方巨細則可詢諭以上恩
德當冬反陽春吾言乃其槩豈止一方云

感興二首

歐陽修

懷祿不知慙人雖不吾責貧交重意氣握手猶感激煌

煌腰間金兩鬢。颯已白。有生天地間。壽考非金石。

古人報一飯。君子不苟得。憂來自悲歌。涕淚下沾臆。仕宦希寸祿。庶無飢寒迫。讀書爲文章。本以代耕織。學成頗自喜。祿厚愈多責。挾山以超海。事有非其力。君子貴量能。無輕食人食。

讀書

歐陽修

吾生本寒儒。老尚把書卷。眼力雖已疲。心志殊未倦。正經首唐虞。僞說起秦漢。篇章已句讀。解詁及箋傳。是非

自相攻去取在勇斷初如兩軍交乘勝方酣戰當具旗
鼓催不覺人馬汗至哉天下樂終日在几案念昔始從
師力學希仕宦豈敢取聲名惟期脫貧賤忘食日已晡
燃薪夜侵旦謂言得志後便可焚筆硯少償辛苦時惟
事寢與飯歲月不我留一生今過半中間嘗忝竊內外
職文翰宦榮日清近廩給亦豐羨人情慎所習酖毒比
安宴漸追時俗流稍稍學營辦盃盤窮水陸賓客羅俊
彦自從中年來人事攻百箭非惟職有憂亦自老可歎

形骸苦衰病心志亦退悞前時可喜事閉眼不欲見惟
尋舊讀書篇簡多朽斷古人重溫故官事幸有間乃知
讀書勤其樂固無限少而干祿利老用忘憂患又知物
貴久至寶見百鍊紛華暫時好俯仰浮雲散淡泊味愈
長始終殊不變何時及殘骸萬一免罪譴買書載舟歸
築室潁水岸平生頗論述銓次加點竄庶幾垂後世不
默死蜀叅信哉蠹書魚韓子語非訕

感事

歐陽修

空山一道士辛苦學延齡一旦隨物化反言仙已成開
墳見空棺謂已超青冥尸解如蛇蟬換骨蛻其形既云
須變化何不任死生

董永

葉清臣

董生少失母老父鰥且貧無田事耕稼客作奉晨昏朝
推鹿車去大樹爲庭藩農家之甘旨糠粃苟自存父死
不得藏粥身奉九原人道孝爲本畎畝知所尊傷嗟世
教薄至行豈足論廩祿厚妻子樛拊遺其親斯吝一杯

土因循三尺墳空令丘壑間凜凜慙英魂

憫農

葉清臣

甲子孟冬子隨牒之吳郡汎舟丹陽毗陵間徐步野次
周視民田其苗甚豐而穀皆秔問諸獲者則曰是春無
雨中夏始布秋未及實霜降而秔奔訴諸縣已更季旦
吏曰農田之制不是過也子姑輸之雖然予卒歲不粒
矣聞之有感故作是詩

五月雨未沛吾民耕固遲中秋霜早至我稼颯其萎膏

澤歎苦晚尤苗惜遽衰盈疇皆秬稂卒歲誤京坻國謝
三年蓄人悲一頃冀編齊陳牒訴奔走失程期縣籍拘
彛制官征有定規勞歌不可繼爲作憫農詩

縣齋對雪

梅堯臣

密雪夜來積起見萬物春山川忽改色草木一以新古
邑失荒穢王路復平均從茲慶豐年蹈詠慙小臣

秋思

梅堯臣

梧桐在井上蟋蟀在床下物情有與無節候不相假寥

寥風動葉颯颯雨墮瓦耳聽心自靜誰是忘懷者

郭之美忽過云往河北謁歐陽永叔沈子山

梅堯臣

春風無行跡似與草木期高低新萌芽閉戶我未知忽
聞人叩門手把蟠桃枝問我此蟠桃緣何結子遲但笑
不復答問者當自推振衣向河朔河朔人偉奇以茲不
答意遲子北歸時

送王判官之江陰軍幕

梅堯臣

往時初渡江頗愛江南美誰知坐卧間思極煙波裏絮
逐魴魚繁鼓添蕤線紫君行語風物到日應相似

范饒州坐中客語食河豚魚

梅堯臣

春洲生荻芽春岸飛楊花河豚當是時貴不數魚蝦其
狀已可怪其毒亦莫加忿腹若封豕怒目猶吳蛙庖煎
苟失所入喉爲鏌鋹若此喪軀體何須資齒牙持問南
方人黨護復矜誇皆言美無度誰謂死如麻我語不能
屈自思空咄嗟退之來潮陽始憚殮龍蛇子厚居柳州

而甘食蝦蟇一物雖可憎性命無舛差斯味曾不比中
藏禍無涯甚美惡亦稱此言誠可嘉

送薛氏婦歸絳州

梅堯臣

在家勗爾勤女功無不喜既嫁訓爾恭恭已乃遠恥我
家本素風百事無有侈隨宜具奩箱不陋復不鄙當須
記母言夜寐仍夙起慎勿窺窻戶慎勿輒笑毀妄非勿
較競醜語勿辦理每順舅姑心況逆舅姑耳爲婦若能
此乃是儒家子看爾十九年門閭未嘗履一朝陟太行

悲傷黃河水車徒望何處哭泣動隣里生女不如男天
親反由彼

川上田家

梅堯臣

斜光隔河明入照桑柘下臯隴生麥苗青青尚堪把遠
見牛羊歸相親童稚野醉歌秋草間頗與世家寡

送王介甫知毗陵詩

梅堯臣

吳牛常畏熱吳田常畏枯有樹不蔭犢有水不漑稼孰
知事春農但知急秋租太守迫縣官堂上怒奮鬚縣官

促里長堂下鞭朴具不體天子仁不恤黔首逋借問彼
爲政一一何所殊今君請郡去預喜民將蘇每觀二千
石結束辭故都絲韁加錦綠銀勒以金塗兵吏擁後隊
劒撾威前驅君又不若此草轡障泥烏徐行問風俗低
意撫疲驚下情靡不達略細舉其麁曾肯爲衆異亦罔
爲世趨學詩聞已熟愛棠理豈無

宋文鑑卷十五

欽定四庫全書

宋文鑑卷十六

宋 呂祖謙 編

五言古詩

檢書

蘇舜欽

煩心思所持屏事入小閣
踞撲下塵梁侈哆張敗笈
雨爛百數蕃蟲食三四夾
軒昂醉墨鬧纖悉新書雜
魚子或破碎蠶兒尚狎恰
快心伯長文跋尾清臣搨
幼辭反

知進故句時自慙墜亡多玩愛存聚必券帖踈密交及
戚前後生與殪誨東儼父師寒暑布兒妄譏浪笑忽還
私匿情再接愴事涕涔涔憫時歎啗啗一餉誠寂寞千
里遽會合遊心到句涌開眼見茗雪京華歷歷復節物
念念涉恍爾驚異方遁去乃幾臘回頭厭襍積舉體覺
疲繭東閣聊欠伸夢斷風一颯

感興

蘇舜欽

後寢藏衣冠前廟宅神主吾聞諸禮經此制出中古秦

羸食先法乃復祭於墓漢衣以月遊於道蓋無取宣帝
尊祖廟失制徧九土孝元酌前文一旦悉除去魏帝樂
銅室遺令置歌舞昏嗣竟從之此事狂夫阻唐制益紛
華諸陵鎖嬪御曠女日哀吟於先亦奚補吾朝三聖人
乘雲不可覩威靈已霄漢嗣皇念宗祖繪事移天光刻
象肖神武徧勅舊遊地輸材起宮宇階城釳以金墻壁
衣之黼功既即奉迎法仗疊簫鼓玩好擇珍奇目奪不
可數三京佛老家已有十數處朝家雖奉先越禮古不

許君不祭臣僕父不祭支庶丹楹宜非孝聖貶甚蕭斧
大祀當以時寢廟即其所惜哉恭儉德乃為侈所蠱痛
乎神聖姿遂與夷為侶蒼生何其愚瞻歎走窮午賤予
私自歎傷時淚如雨

哭尹師魯

蘇舜欽

前年子漸死予哭大江頭今年師魯死予方旅長洲初
聞尚疑惑涕淚已不收舉盃欲向口荊棘生咽喉憶初
定交時後前穆與歐君顏白如霜君語清如流予年又

甚少學古衆所羞君欲舉拔萃聲譽日搜搜不鄙吾學
異推尊謂前修今踰二十年迹遠心甚稠後會國南門
夜談雪滿樓青燈照素髮酒闌氣益道昨君握兵柄節
制關外侯予才入冊府能作中都囚飛章力辯雪危言
動前旒時雖不見省凜凜壓衆媮旋聞君下獄六月送
渭州渭州舊治所昔擁萬貔貅堂中坐玉帳堂下森蛇
矛令嚴山石裂恩煦春色浮鸞生無根牙衆言起愆尤
返來入狴犴吏對安可訓法冠巧權詐刺骨不肯抽削

秩貶漢東驅迫日置郵窮途無一簪百口誰相賙諸子
死繼亡清血漬兩眸貿然幾喪明憤苦結不瘳君性本
剛峭安可小屈柔暴惟此冤辱苟活何所求人間不見
容不若地下遊又疑天憎善專與惡報讐二豎潛膏肓
衆鬼來擲廠棄扁奔南陽後事得所投心膽尚卓犖精
明已彌留生平經緯才蕭瑟掩一丘青天自芒芒長夜
何悠悠萬物孰不死死常在嚴秋君齒方盛壯衆期樹
風猷二邊汎橫猾四海皆瘡疣斯時忽云亡孰爲朝廷

憂予方編氓氓日自親鋤耰無緣匍匐救兀兀空悲愁
時思莊生言所樂唯蠲體物理不可詰此說誠最優

秋懷

江休復

西風萬里至曠然天地秋暮雨生夕涼百蟲鳴啾啾楚
山曉蒼蒼楚水亦悠悠騷人試登臨感物增離憂所思
在遐方欲往路阻修香草有蕙蓀嘉樹有梧楸白露委
芳馨彫零使我愁窮年倦羈窘江湖思舊遊紉蘭製芰
荷飄泛一葉舟肆情雲水間意適何所求

同持國宿太學官舍

江休復

翳翳雲月薄冷冷雪風清學省夜岑寂天街斷人行廣
庭層閣陰尋廊步餘明松篠遞遙響如聞絃調聲悠悠
予佩詩講坐塵埃生迴就直舍休疊疊談道精心會境
物融泯然遺世營寒眠屢展轉寤言寫素誠

牟駝岡閑馬

江休復

牧馬散近垣閑視乘高秋駝岡似涉苑惟阜帶川洲坡
陀故梁城縈薄西南陬連棚映林樾星羅倚層丘回風

吹陣雲奔騰歛來遊野性脫羈帶飲斲遂所求腹幹頗
肥張鬱怒何彪休羣毆驟麋鹿逸勢凌蛟虬軍戎還輕
捷和鑾御調柔毛物有千名衆美歸驕驕梁王愁思臺
佛刹居上頭竭來一憑眺遺墟莽悠悠信陵骨已朽巖
穴誰見收當時英豪輩事逐東波流置酒臨風軒聊以
紓煩憂

許希

顏太初

鍼工許希下蔡人住梁門西市三十年及天聖中皇躬

達裕有內戚達其姓名上召見三進鍼而疾平面授尚藥奉御其賜予不可勝紀謝恩畢西向而拜上詢其故奏曰臣拜本師扁鵲也上惜其用心不忘本給錢五十萬立祠封曰靈應侯或曰人生乎世慎乎習希失其習者也使希不習醫而習儒其遇主之日不忘先師明矣若然則讀書為儒乘時取富貴高冠長劍昂昂廟堂之上自負自得不知素王之力者許希之罪人也因為詩云

京城名利塗車馬相奔馳其間取富貴往往輸平醫前
後十數輩身沒名已隳獨有許希者蘊蓄何瑰竒始自
下蔡來所處尤喧卑西市三十年汨汨無人知一朝仗
至藝驟登文石墀三鍼愈上疾神速不移時酬以六尚
官著籍通端闈旌以三品服佩紫垂金龜于時稱謝畢
西向復陳儀當廳驚且問歷歷宣其辭臣傳扁鵲術遇
主今得施特此一展謝臣心不自私主上惜其意擊賞
為噓唏仍給水衡錢國西命立祠復加靈應號金額照

華穰自此輦轂下求禱何祁祁我過慶成坊見之心且
悲秦醫術雖妙五腑及四肢所習得其人千齡祀不虧
魯聖術至大帝道與民彙所習非其人一朝反相持小
吏師荀况竊為辯說資作相勸焚書詐云愚蚩蚩後之
為儒者其心皆李斯昔在布衣日動守先王規朝談十
二經夕誦三百詩依憑稽古力榮進無他岐及居廟堂
上劒長冠綈巍自謂正所賦焉知有宣尼宣尼斷襲封
十經寒暑移他姓為邑官鄉老皆驚疑上章寢不報九

重遭面欺諫官不舉失御史不言非盡為許希笑得路
忘先師

東州逸黨

顏太初

天之有常度躔次絕乖離地之有常理沉潛無變虧人
之有常道高下遵軌儀三才各定位萬古永不移二儀
設有變修德可以祈人道或反常其亂何由支昔在典
午朝國祚向陵夷日向中夜出赫赫來東隅地向太極
裂中有蒼鵝飛高厚災且異人妖亦繁滋始有竹林民

怪誕名不羈次有夷甫輩高談慕無為沉湎多越禮阮
籍兼輔之虛名能飾詐光逸與王尼何曾有先見不能
救其衰張華徒竭力無以扶其危至今西晉書讀之堪
涕洟爾來歷千年炎宋運重熙東州有逸黨尊大自相
推號曰方外友蕩然絕四維六籍被詆訶三皇遭毀訾
坑儒愚黔首快哉秦李斯與世立憲度迂哉魯先師流
宕終忘反惡聞有民彝或為童牧飲垂髫以相嬉或作
概量歌無非市井辭或作薤露喝發聲令人悲或稱重

氣義金帛不為貴或曰外形骸頂踵了無絲塵聚復優
雜何者為尊卑遙聞風波民未見如調飢偶逢紳帶士
相對如拘縻不知二紀來此風聲自誰都緣極顯地多
用寧馨兒斯人之一喝翕然天下隨斯人之一趨靡然
天下馳鄉老為品狀不以逸為嗤宗伯主計偕不以逸
為非私庭訓弟子多以逸為宜公朝論人物讎以逸為
奇家國盡為逸禮法從何施我常病其事中夜起思惟
平地三尺眼空車登無岐重載歷百仞所來因陵遲萬

一染成俗雖悔何由追衆人皆若夢焉能分其麋衆人
皆若醉不知啜其醢天下皆病痿痺誰就魯醫天下皆
病狂何暇灸其眉幸有名教黨可與決雄雌所嗟九品
賤不得立文墀賈誼唯慟哭梁鴻空五噫終削南山竹
冒死指其疵願乘九廟靈感悟宸心知赫爾奮獨斷去
邪在勿疑分捕復大索憮人無孑遺大者肆朝市其徒
竄海湄殺一以戒萬是曰政之基千奴共一膽膽破衆
自隳無使永嘉風敗亂昇平時

贈張績禹功

石介

李唐元和間文人如蠭起李翱與李觀言雄破姦穴孟郊及張籍詩苦動天地持正不退讓子厚稱絕偉元白雖小道爭名愈弗已卒能霸斯文昌黎韓夫子吾宋興國來文人如櫛比黃州十專勝漢公氣全粹晦之號絕羣平地走虎兕謂之然駁雜亦文中騏驎曰稹洎盧震江沱自為水朱巖兼孫僅培塿對嶽峙卒能霸斯文河東柳開氏嗟吁河東沒斯文乃屯否汨汨三十年淫淫

滿人耳粵從景祐後大儒復唱始文人如麻立縱橫攢
戰騎徂徠山磊砢生民實頑鄙容貌不動人心膽無有
比不度蹄涔微直欲觸鯨鯉有慕韓愈節有肩柳開志
令讀禹功文予戰寒相倚寶光千里高飛出破屋晨龍
音萬丈長拔出重淵底雷霆皆藏身日星或失次我慙
年老人才力漸衰矣禹功氣奔壯今方二十二前去吾
之年猶有十四歲今讀禹功文魂魄已驚悸更加十四
年世應絕儔類卒能霸斯文吾恐不在已禹功幸勉旃

當仁勿讓爾

小孤山

劉敞

驚波觸南崖反怒射北壁蒼山與相排所謂小孤石蟠
根萬仞淵聳角百丈碧祠堂豁精嚴行旅進粉澤或云
婦女神盼蠻頗有逆吾知定名意似欲旌介特流俗失
其真傳聞莫開釋居人私其利禍福妄損益競為娼奴
說以誣聰明德先王拱山川禮典有廟食奈何媚於竈
屈已忘正直吾欲為小孤作書解行客復恐不見從嗟

哉世多惑

雜詩效玉川體

劉敞

毀巢鳳不至竭澤龍不游賢者有所歸得非龍鳳儔周
公下白屋聖德被九州趙禹謝賓客漢朝以為憂澆淳
不相襲用舍何其繆苟循一身利不為萬姓謀哀彼扶
杜詩死生遺道周

雜詩二首

劉敞

鑿井取泉飲上山採薇食豈不信憔悴所願皆我力泉

也非難致薇也不易得志士恥徒飽衆人苟所獲犧牲
畏芻豢樊籠害羽翼晤理宜在早無為晚更惑

道薄德亦散功名為時須用力世所賢守正衆云愚智
者競蒿目小人復邇圖悠悠三季後此風益已渝安知
治未病舐痔而多車堯舜無能名越哉已矣夫

示張直溫

劉敞

築山必使高鑿井必使深百工戒淺近盛德羞浮沉焉
有尺寸技能棲垂天禽焉有升斗泉能容橫江鱗借茲

論物理足以開君心隘在容不足弱在力不任大道如
路然固無古與今

朝乘

劉敞

朝乘日車出暮載星影還顛冥朝暮中出入咫尺間已
覺素志非更知人理艱小利專欲速大德不踰閑

哀張子厚先生

司馬光

先生負材氣弱冠游窮邊麻衣揖鉅公決策期萬金謂
言叛羌輩坐可執而鞭意趣小參差萬金莫留連中年

更折節六籍事精研義農訖周孔上下皆貫穿造次循
繩墨儒行無少愆師道久廢闕模範幾無傳先生力振
起不絕尚聯緜教人學雖博要以禮為先庶幾百世後
復覩三王前釋老比尤熾羣倫將蕩然先生論性命指
示令知天聲光動京師名卿爭薦延寘之石渠閣豈徒
修簡編丞相正自用立有榮枯權先生不可屈去之歸
卧堅孤嫠聚滿室餬口耕無田欣欣茹藜藿皆不思肥
鮮近應詔書起尋取病告旋舊廬不能到丹旄風翩翩

人生會歸盡但問愚與賢借令陽虎壽詎足驕顏淵况
於朱紫貴飄忽如雲煙豈若有清名高出太白巔門人
俱經帶雲梯會松阡厚終信為美繼志仍須專讀經守
書一作舊學勿為利祿遷好禮效古人勿為時所一作牽
修內勿修外執中勿執偏當令洙泗風郁郁滿秦川先
生儻有知無憾歸重泉

今古路

劉敞

出門道路多縱橫不可測我今欲遠行須問曾行客徐

徐逢路人借問青松側客曰今何往答之遊京國客乃
指要路而言行有益古路雖大道不如今路直但行今
人路猶如假羽翼彼客別我去獨自躊躇立為見今古
路信乃無苦忒今路足輪蹄古路多荆棘欲行今人路
恐背古人跡欲行古人路今人笑迂僻又擬不出門奈
何飢寒逼哀哀此時路悠悠蒼天色不避今人嫌路須
行古陌古陌雖然遠且保無蹶失勉哉自勉哉前去難
之適不獲見楊朱萬古凝愁魄

漢文帝

王安石

輕刑死人衆短喪生者偷仁孝自此薄哀哉不能謀露臺惜百金瀟陵無高丘淺恩施一時長患被九州

戴不勝

王安石

昔在宋王所皆非薛居州區區一不勝辛苦亦何求懷祿詎有恥知命乃無憂此士自可怜能復識此不

司馬遷

王安石

孔鸞負文章不忍留枳棘嗟子刀鋸間悠然止而食成

書與後世憤排聊自釋領略非一家高辭殆天得雖微
樊父明不失孟子直彼欺以自私豈啻相十百

楊雄

王安石

孔孟如日月委蛇在蒼旻光明所照耀萬物成冬春揚
子出其後仰攀忘賤貧衣冠眇塵土文字爛星辰歲晚
天祿閣強顏為劇秦趨舍迹少迂行藏意終隣壤壤外
逐物紛紛輕用身往者或可返吾將與斯人

楊劉

王安石

人各有是非犯時為患害唯詩以諷諫言者得無悔汾
王昔監蒞變雅今尚載末俗忌諱繁此理寧復在南山
詠種豆議法過四罪玄都戲桃花母子受顛沛疑似已
如此視欲諄諄誨事變故不同楊劉可為戒

日出堂上飲

王安石

日出堂上飲日西未云休主人笑而歌客子歎以愀指
此堂上柱始生在巖幽雨露飽所滋凌雲亦千秋所託
願永久何言值君收乃令卑濕地百蟻上窮搜丹青空

外好鎮壓已堪憂為君重去之不使一蟻留蟻力雖云
小能生萬虬蟬又能高其礎不爾繼者稠語客且勿然
百年等浮漚為客當酌酒何豫主人謀

我欲往滄海

王安石

我欲往滄海客來自河源手探囊中膠救此千載渾我
語客徒爾當還治崑崙歎息謝不能相看涕翻盆客止
我且往濯髮扶桑根春風吹我舟萬里空自存

少狂喜文章

王安石

少狂喜文章頗復好功名稍知古人心始欲老蠶耕低
徊但忘食邂逅亦專城仰慙冥冥士俯愧擾擾甿良夜
未渠央青燈數寒更撥書置左右仰屋慨平生

今日非昨日

王安石

今日非昨日昨日已可思明日異今日如何能勿悲當
門五六樹上有蟬鳴枝朝聽尚壯急暮聞已衰遲仰看
青青葉亦復少華滋萬物同一氣固知當爾為我友南
山居笑談解人頤分我秋栢實問言歸何時衣冠汙窮

塵苟得猶苦飢低徊歲已晚恐負平生期

田漏

王安石

占星昏曉中寒暑已不疑田家更置漏寸晷亦欲知汗
與水俱滴身隨陰屢移誰當哀此勞徃徃奪其時

送潮州呂使君

王安石

韓君揭陽居戚嗟與死隣呂使揭揚去笑談面生春當
復進趙子詩書相討論不必移鱣魚詭怪以疑民有若
大顛者高材能動人亦勿與為禮聽之汨彞倫同朝叙

朋友異姓接昏姻恩義乃獨厚懷哉余所陳

雜咏

王安石

懷王自墮馬賈傳至死悲古人事一職宜敢苟然為哭
死非為生吾心良不欺滔滔聲利間絳灌亦何知

謝公

王安石

走馬白下門投鞭謝公墩昔人不可見故物尚或存問
樵樵不知問牧牧不言摩挲蒼苔石點檢履齒痕想此
絳長檣想此倚短轅想此玩雲月狼籍盤與罇井邇亦

已沒漫然禾黍村摧藏羊曇骨放浪李白魂亦已同山
丘緬懷蒔蘭蓀小草戲陳迹甘棠詠遺恩萬事付鬼錄
恥榮何足論天機自開闔人理孰畔援公色無懼喜儻
知禍福根涕淚對桓伊暮年無乃昏

同昌叔賦鴈奴

王安石

鴻鴈無定棲隨陽以南北嗟哉此為奴至性能懇惻人
將伺其殆奴輒告之亟舉羣寤而飛機巧無所得夜或
以火取奴鳴火因匿頻驚莫我捕顧謂奴不直嗷嗷身

百憂泯泯舉一息相隨入縉繳豈不聽者惑偷安與受
紿自古有亡國君看鴈奴篇禍福甚明白

寓言四首

王安石

不得君子居而與小人游疵瑕不相摩況乃禍釁稠高
語不敢出鄙辭強顏酬始云避世患自覺日已偷
如傳一齊人以萬楚人咻云復學齊言定復不可求仁
義多在野欲從苦淹留不悲道難行所悲累身修

周公歌七月耕稼乃王術宣王追祖宗考牧與宮室甘

棠能聽訟召伯聖人匹後生論常高於世復何實

曹曹俗所共察察與世違違世有百善一疵惡皆歸就
求無所得猶以好名譏彼哉負且乘能使正日微言失
於須臾百世不可除行失几席間惡名滿八區百年養
不足一日毀有餘諒彼恥不仁戒哉惟厥初

遊土山示蔡天啓

王安石

定林瞰土山近乃在眉睫誰謂秦淮廣正可藏一鰲朝
予欲獨往扶僊強登涉蔡侯聞之喜喜色見兩頰呼鞍

追我馬亦以兩點挾飲書付衣囊裏飯隨藥笈脩脩阿
蘭若土木老山脅鼓鐘卧空曠翼翼簷雕捷業外堂廓無
主考擊誰敢輒坡陀謝公冢藏櫛久穿劫百金買酒地
野老今行饁緬懷起東山勝踐比稠疊於時國累卵楚
夏血常喋外實備艱梗中仍費調燮公能覺如夢自喻
一蝴蝶桓溫適自斃苻堅方天厭且可緩九錫寧當快
一捷彼哉斗筭人得喪易矜怯妄言屐齒折吾欲刊史
牒傷心新城埭歸意終難愜漂搖五城舟尚想浮河楫

千秋隴東月長照西州堞豈無華屋處亦捉蒲葵筴碎
金諒可惜零落隨秋葉好事所傳玩空殘法書帖清談
眇不嗣陳迹恍如接東陽故侯孫少小同鼓篋一官初
領海仰視飛鳶跼窮歸放歎段高卧停遠蹠牽襟肘卽
見著帽耳纔摩數椽危敗屋為我炊陳浥雖無膏汙鼎
尚有羹濡筴縱言及平生相視開笑靨邯鄲枕上事且
飲且田獵或昏眠委翳或妄走超躡或呌號而寤或哭
泣而覓幸哉同勝時田里老安帖易牛以寶劍擊壤勝

金一
卷十六
彈缺予雖天戮民有械無接捐翁今貧而靜內熱非復
葉子衰極今歲儻與鷄夢協委蛻亦何恨吾兒已長鬣
翁雖歲長我未見白可鐸祝翁尚難老生理歸善攝久
留畏年少譏我兩咕囁束火扶路還霄明狐兔懾蔡侯
雄俊士心慄形亦謀異時能飛鞚快若五陵俠胡為肝
陌間跼足僅相躡諒欲交轡語怯子不能嚼

夜夢與和甫別如赴北京時和甫作詩覺而有作

因簡純甫

王安石


水菽中歲樂鼎茵暮年悲同胞苦零落會合尚淒其况
乃夢乖闊傷懷而賦詩詩言道路寒乃似北征時叔兮
今安否季也來何遲中夜遂不眠輾轉涕流離老我孤
主恩結草以為期異叔善事國有知無不為千里永相
望昧昧我思之幸唯季優游歲晚相攜持於焉可晤語
水木有茅茨畹蘭佇歸憇遶屋正華滋

獨卧有懷

王安石

午鳩鳴春陰獨卧林壑靜微雲過一雨浙瀝生晚聽紅

綠紛在眼流芳與時競有懷無與言佇立鍾山瞑



宋文鑑卷十六